

# ХАНТЫ ЯСАҢ

5 декабря 2019 года

№ 23 (3539)

www.khanty-yasang.ru

Основана 1 ноября 1957 года

## «Пүпи якты хота – йилдуп вәдупсы» вәндтәты хәр вәс



«Алаң ар» арилдәт

Ас потты тыдәщ 29-мит хәтл вүш эвәлт ван хәтлуп тыдәщ 2-мит хәтл вәнты Ёмвош округ мир творчества хотн «Пүпи якты хота – йилдуп вәдупсы» немпи вәндтәты хәр вәс.

Щит йис вәдупсы дерамтты хә Тимофей Молданов па округ мир творчества хотн шуши мир культура тәты ёх ләщәтсәт. Тыв Сәрханл, Нижневартовской, Ну-

ви сәңхум, Сүмәтвош районәт эвәлт 40-кем хуят юхтылдәс.

Хәнты мир учёной хә Тимофей Молданов пугәртәс, хуты вәдупсәд мәр Пүпи якты хот

оләңән уша верәс, вән научной непек хәншәс. Тәмхәтл лүв велци хәншум «Касум юхан арәт» немпи киника аляс, щәта Пүпи якты хот арәт хәншман вәлдәт.

Вән хуятәт А.А. Ерныхов, С.В. Кечимов, Д.Н. Покачев айлат хуятәт вәндтәсәт, муй щирн пүпи якты хот ләщәтты

мосл. Кашәң хәтл мет сыры вән икет айлат хәйт пида «Алаң ар», щәлта «Вой ар», «Мәләң вори ар» па етн «Вәдтәты ар» арисәт.

Мосл лупты, хуты тәм Пүпи якты хот ипүляң хәнтәт па вухалят ванл-тәсәт.

Людмила ШУЛЬГИНА

## Рэт ясӑң олаңан путӑртсы

Тӑм ванӑн Югра мӱв луваттыӑн вӑндтӑты па айлат ӗх верӑт тӑты департамент хотн шуши мир рэт ясӑң па культура верӑт вантман тӑйты совет ӗх мирхота ӑктӑщийдсӑт. Шци тумпийн округев арсыр районӑт па вошӑт эвӑлт видео щирн вӑндтӑты верӑт ӑхтыӑн кӑшайт, рэт ясӑна, культура верӑта вӑндтӑты хуятӑт па оса рӑпата тӑты ӗх путӑртты ищи веритсӑт.



Мирхот пурайн

Лыв Югра мӱв луваттыӑн вӑлды ашкола-интернатӑт олаңан уша версӑт. Шцит хутыса увӑс мир январмӑт вӑлдӑт-холдӑт, муйсӑр нӱшайт тӑйдӑт, муй щирн мӑш-мӑдтум пурайн лыв ямӑлдыйт.

Сырыя округ хӱваттыӑн январмӑт вӑндтӑты ӗх институт кӑща лӑңкӑр не **Виктория Ключова** ашкола-интернатӑт олаңан ай павтӑс. Уша йис, Югра мӱв луваттыӑн 18 ашкола-интернат рӑпитл. Шцит

Сӱмӑтвош район хуца – нӑл ашкола-интернат, Нуви сӑңхум районӑн – кӑт, Кондинской мӱвн – ит, Нижневартовской мӱвн – нӑл, Манстӑр районӑн – ит, Сӑрханл мӱвн – вет па Ӗмвош районӑн – ит.

18 ашкола-интернат эвӑлт тӑп 13 вӑндтӑты тӑхи яма нух вантсы. Тӑм тӑхетн 1 737 январем вӑл па вӑндтыыл, лыв кӱтӑдн 1 222 шуши январемлӱв. Мет ар хӑнты хуят, 118 вухаль пушхӑт па 90 – юрн январемӑт. Лыв пилӑла 386 январем вӑндтӑты хӑннехӑ рӑпитл.

Мосл ястӑты, 12 ашкола-интернат хуца пушхӑт рэт ясӑна вӑндтӑдыт. Ар пелӑк тӑхетн

факультативной щирн.

Тӑм мирхотн мӱң «Хӑнты ясӑң» па «Луима сӑрипос» газетайнӑлӱв кӑща юкана вӑлды не **Галина Кондина** ищи ясӑң вӱйляс. Лӱв лупӑс, хуты хӑнты па вухаль мирнӑн ясӑңнӑн мосл па мирӑт ясӑт иты тӑса па тӱңщирӑна лӑщӑтты, лӑдн клавиатурайт хуца мӱң буквайлӱв ат версийт. Вантӑ, щипурайн кӱш йилуп телефонӑтн, кӱш ай компьютерн (рӱщ щирн ноутбук) мӱң ясӑңнӑн хӑншты щир тӑйты пилӱв. Вӑндтыылды па айлат ӗх верӑт тӑты департамент кӑща **Алексей Дренин** лупӑс, хуты тӑм ол ван хӑтлуп тылӑщ 31-мит хӑтл вӑнты щипер олаңан уша павӑтлӱв. Шци пӑта тӑм мосты щир олаңан елды па хӑншлум.

**Ирина САМСОНОВА**

## Оса тӑхи вӑн мирхот пилт

Ас потты тылӑщ 21-мит хӑтлӑн правительства хотн Ӗмвош округ «Югра лыднуптӑты» оса тӑхи кӑща не Людмила Алфӑрова мирхот ӑктӑщилӑс. Ар пелӑк оса тӑхия лӱнум вошӑт па районӑт эвӑлт кӑшайт йилуп видео щирн мӱң пилӑва путӑртты веритсӑт.

Шциты ийха лӱнӑттыки, мирхотн Ӗмвош, Урай, Нях, Советский, Нефтеюганск вошӑт, Сӑрханл, Сӱмӑтвош, Манстӑр, Нуви сӑңхум, Нижневартовской па Кондинской районӑт эвӑлт «Югра лыднуптӑты» оса тӑхия лунум кӑшайт вӑсӑт. Шци тумпи округ луваттыӑн шуши мирлӱв вӑндата ювум хуятӑт оса тӑхи кӑща А.М. Константинов па Югра мӱв вӱдӑт давӑлды ӗх кӑща хӑ С.А. Кечимов ясӑң тӑты ищи веритсӑнӑн.

Вӑйтантупсыӑн и вулаң вер олаңан путӑртсы – хӑн па мӑта тӑхийн «Югра лыднуптӑты» оса

тӑхев XIII-мит мирхот лӑщӑтды. Вантӑ, тӑм пӱш тӑта йилуп оса тӑхи кӑща пириты пилды. Мосл ястӑты, «Югра лыднуптӑты» вӑн мирхот хӑлум ол мӑр ипӱш верды. Шциты 2016-мит одн оса шуши мирлӱв Советской мӱвн XII-мит вӑйтантупсыӑ ӑктӑщийдсӑт.

Интӑм оса рӑпата тӑты ӗх лӑңхасӑт, лӑдн «Югра лыднуптӑты» оса тӑхев XIII-мит мирхот Нягань вошн ван хӑтлуп тылӑщ 20-мит хӑтӑдн ат лӑщӑтды.

Шциты «Югра лыднуптӑты» оса тӑхи кӑща пиресты вӑйтантупсыӑ Урай, Ӗмвош, Югорск,

Пыть-Ях, Сӑрханл, Мегион, Когалым, Лӑңки пос, Нижневартовск, Лянтор вошӑт эвӑлт тӑп и хӑннехӑ мӑнты веритӑл. Шӑлта Сӱмӑтвош, Нуви сӑңхум, Манстӑр, Советской, Кондинской, Ӗмвош, Нефтеюганской, Сӑрханл па Нижневартовской районӑт эвӑлт кӑт хуят мирхота юхӑтл. Нях вош эвӑлт кӑт хӑннехӑ пирисы, вантӑ, тӑта вулаң мирхот лӑщӑтды.

Шци тумпи Югра мӱв шуши мирлӱв вӑндата ювум хуятӑт оса тӑхи, округ хӱваттыӑн вӱдӑт давӑлды ӗх, Югра мӱв шӱкшӑты верӑт тӑты тӑхи па Ас-угорской

айлат ӗх эвӑлт кӑт хӑннехӑ мирхота мӑнл.

Интӑм округ луваттыӑн «Югра лыднуптӑты» кашӑң оса тӑхийн мирхот ӑкӑтты мосл, лӑдн ийха уша верты, мӑта хуят вулаң пиресты вӑйтантупсыӑ мӑнл. Ван хӑтлуп тылӑщ 12-мит хӑтл вӑнты мирхот олаңан непек Ӗмвоша Алексей Шесталов хуца китты мосл.

Ӗмвошӑң «Югра лыднуптӑты» оса тӑхи мирхот ван хӑтлуп тылӑщ кимит хӑтӑдн вет щосн «Торум Маа» йис пурмӑсӑт ӑкӑтты па шавиты хотн, щит йилуп тӑхийн Комсомольская вош хулын 30-мит хотн, лӑщӑтсӱв.

**Ирина ПОСЛОВСКАЯ**

# Шуши мир вәлупсы верәт арталды тәхи

Тәм ванән Ёмвош округ правительствы хуца хәнтәт, вухалят па юрнәт вәлупсы суртат арталды шира рәпитты тәхи ёх мирхота әктәщийдсәт. Тәм вәйтәнтупсы Югра мұв вән кәща дәнқәр хә Алексей Шиполов тәс. Яха әктәшум мир тәм пұш Ёмвош округа рұтыщаты йңхты верәт олаңан путәртсәт.

Мет олаң Югра мұв промышленной верәт тәты тәхи кәща ики **Андрей Шиполов** ай павтәс, муй иты мойң ёх вәнт кәртәта рұтыщаты йңхләт. Лұв ясңәл эвәлт уша йис, 2010-мит ол вұш эвәлт ар хәннехә шуши мир йис вәлупсы вантты кеша Югра мұва юхтәйлды питсәт. Шци тумпи итәх хәнтәт, вухалят па юрнәт немасыя общинайт вердәт, па мойң ёх вәнт кәртәлада тәтәдәдәт. Шциты 2010-мит олн лапәт шимәщ община вәс, ин 2019-мит олн 19 тәхи мойң ёх пида рәпитләт. Ёмвош округа юхәтты мойң хуят вұдең вәнт кәрта пәкл йңхты. Шәта вұдең әхәлдн наврәлда, хұд хошум йиңкән, дәнт йиңкән па епләң летутн лапәтла. Шци тумпи вәнт шушия юхтум хәннехә вой-хұд велпәсләты тәтәдәды. Шеңк ар мир вұдең әхләтн кәсты ёмәңхәтләта юхтәйлдәт. Мир рұтыщаты кеша 15 арсыр йилуп верәт лещәтсәт. Хотәт, певәлды хотәт, юрн хот хурпи хотәт версәт. Сыры оләт киньща аршәк хәннехә Югра мұва йңхты питәс. Шциты 2010-мит олн нивд шурәс арат хуят мұң мұвев вәнт шушета юхтәйлдсәт па 2018-мит олн 40 мулдтас шурәс арат мойң хәннехә вәс. Шци тумпи А. Шиполов лупәс:

– Ин мұн, промышленной верәт тәты департамент хуца рә-

питты хуятәт, мойң ёх юхтәйлды верәт әхтәйн «Федеральное агентство по туризму» немуп тәхи пида кашашты непер дещәтлұв. Шәта Югра мұв этнографической туризм ширн мет вулана питл. Шәлта 2020-мит олн шуши мир кәртәта мойң ёх йңхты вер олаңан вән вәйтәнтупсы верлұв.

Елды ар мир әкмум хот Сұмәтвош район кәща хә **Владимир Фомин** путәртәс:

– Сұмәтвош район луваттәйн иса яң тәхи вәл, муй тәхия рұтыщаты йңхты рәхл. Сұмәтвошн «География» па «Элалы» немуп тәхеңән хуца кәпәртты хуятәт мойң ёх пида рәпитләт. Шәлта Няксимволь вошн Александр Викторович Маслов па «Югра-Скай» немуп тәхийн рәпитты хәннехәйт рұтыщаты йңхты мира унтас вердәт. Саранпауль вошн «Рутил» не-



Кәщайт мирхот пурайн

муп тәхи па сәран не Елена Афанасьевна Рокина мойң хуятәт кев мұва тәтәлюман вәлдәт. Шци тумпи Игрим вошн «Бедкаш» па хұд велпәсләты «Игрим» немуп тәхеңән па шурасләты верәт оса тәты кәтнән Юрий Викторович Давыдов па Светлана Петровна Яковлева рұтыщаты хуятәт пида рәпитләт. Шәлта Сұмәтвош районән нявремәт лұң мәр рұтыщаты «Поиск» немуп ут па «Мань ускве» тәхеңән вәлдәңән. Шив иши мойң ёх юхтәйлдәт. 2019-мит олн яң тыләщ мәр Сұмәтвош районән

лапәт шурәс 862 хәннехә рұтыщаты юхтылдәс. Шци күтн 261 хуят па хон пеләк мұв эвәлт вәсәт. Шәлта тәндуп тыләщн 2020-мит олн Саранпауль вошн вұдең әхәлдн наврәлды ёмәңхәтл питл. Шив иса шурәс кем мойң хуят юхәтл.

Елды Югра мұв внутренней политика верәт тәты тәхийн рәпитты кәща дәнқәр хә **Сергей Пишуков** ясәң тәс, муй иты сыры вәлум мирхотәтн нух вантум суртат лещәтлайт.

Шциты мирхотн елды интернат хотәтн вәлды нявремәт олаңан путәртсәт. Вантә, дыв мәша йитәлдн ванән пәдынича әнтәм ки, хута эвет, пухәт лекщитлайт.

Ёмвош округ мир ймәлтәты верәт тәты департамент хуца кәща юкана рәпитты не **Елена Касьянова** лупәс:

– Няврем тәйтты хотәтн вәлды пушхәт еша мәша йитәлдн вәлды тәхиладн ймәлтәты питлайт. Ин мұң шци вер әхтәйн рәпитлұв.



Елена Рокина мойң ёх юхтәйлды кәртәлдн



Г.С. Райшев мирхот пурайн

Олаңмит хәтлән мойң ех хәнты мир хур хәншты хә Геннадий Райшев пида вәйтантийдсәт, щәлта «Геннадий Райшев. Хәннехә. Мүв-авәт. Тәрум» йилуп вантупсыйн дүв хурдал вантсәт.

Кимит хәтлән Ёмвошәң хурәт вантты хотн научной мирхот однитәс. Тыв Россия арсыр мүйвәт эвәлт 30-кем учёной хуят юхтыйдсәт.

Округ культура верәт тәты департамент кәща хә **Артур Латыпов** вүща ясаң верәс:

– *Ешәк Геннадий Степанович, нын хурдәнән Югра мүйев хурамәң тәхет хәншман вәлдәт. Алпа, тәм мирхотн итәх хуятәт Геннадий Райшев олаңән еша пасыра уша вердәт.*

Россия мүйв заслуженной художник **Сергей Ануфриев** «Российская академия художеств» немпи тәхи кәща З.К. Церетели эвәлт вүща ясаң дүңтәс: «Геннадий Райшевән хәншум хурәтн Югра па Россия хурамәң мүйев шиваләты рәхл. Щәта әнтә тәп тәм йис пура хурас мүй вәлупсы, щәта йистелн опрашдүв хәшум ташәт, щәта дүв рәт мирел вәлупсы, нумсәт. Райшевн хәншум хурәтн мүй-авәт, тәрум, хәннехә ийха кәрәтман вәлдәт. Дүв хурдалн хәннехә нумсәт вәлдәт, щит тумпи мүй ищи дүв нумәс-дал олаңән уша вердүв».

Хәнты мир художник ики хәншум хурәт олаңән арсыр учёнойт дерамтләт, научной непекәт хәншләт.

Тәм хәтл па хон пеләк США мүй эвәлт учёной хә **Эндрю**

# Хур хәншты хәнты ики Геннадий Райшев 85 ола йис

Хур хәншты хәнты хә Геннадий Райшев 85 од постәты пәта Ёмвошн Ас потты тыдәщ 5-7-мит хәтләтн «Геннадий Райшев: культурный ландшафт. Диалоги в пространстве и времени» немуп Россия мүйвтел мир вән научной мирхот вәс.

**Уигет** юхтыдәс. Дүв дерамтәс, мүй щирн па мүй олаңән дыв мүйвелн индейцәт шуши мир хурәт хәншләт: «Тәм йисн мүй шуши мирев дыв кинайдал, мультфильмдал, компьютерной юнтупсәт верты питсәт. Дүңтә-рәт, пуртәт хәншты ех ищи дыв киникайдал пәта хурәт хәншләт. 1930-1960-мит олаңән шуши мир хур хәншты ех йис щирн хәнш-сәт. 1960-1980-мит олаңән йилуп щирн питсәт. 1990-мит олаңән дыв мүйв шәкәлты, шуши мир нүйшайдал олаңән хурәт хәншсәт, тәп щит хурәт хуца ищи нях верәт хәншман вәсәт. Итәх ех тәм пура вәнты йис щирн хурәт хәншләт, итәх хуятәт – йилуп щирн». Дүв имел филологической наукайт кандидат не **Ольга Балалаева** Юхан ас хонәңән вәлум Тонья похатур олаңән научной непекл дүңәтсәлэ. Тәм хәтл дүв путәртәс, хути Сәрханл вошн вәлты кина верты нена Ольга Корниенкоя щит похатур олаңән «Тонья. Йис путәр кәншман» немпи кина верты нәтәс. Геннадий Райшев Тонья похатур олаңән хурәт хәншәс. Мирхота юхтум ех щит кина вантсәт. «Югра мүйев дерамтум хә А.А. Дунин-Горкавич хәнты Тонья похатур олаңән хәншәс, хути щит похатур хәтань па рүщ хуятәт эвәлт лавдәс, щирн Юхан ас хонәңән вәлты хәншәтн дүв сәмәңә тәйсы. Советской лащ пурайн Юхан ас хонәңән вәлты итәх хәншәт нәртәмды щаврәмсийт, щит юпийн мүй илпи питы вуй вәйтсы, пасыра вәлупсы мәнәс, тәп Тонья похатур вәлты тәхи па даләсты тәхетн худна немәт хәщсәт», – лупәс О.Э. Балалаева. Кинайн Андрей Ачимов Тонья похатур хурамәң



Г.С. Райшев Е.Д. Айпин пида

Л. Гурьева верум хурәнән

эви пида вәйтәнтупсы олаңән йис путәр путәртәс.

Йис вәлупсы дерамтты хәнты мир учёной не **Татьяна Волдина** лупәс, хути ар пеләк Геннадий Райшевн хәншум хурәт – щит хәнты па вухалд мирәңән йис путрәт олаңән.

Ас потты тыдәщ 18-митн Геннадий Райшев хот-музейн сема питум хәтләл постәсүв. Округ кәща не **Наталья Комарова** ям ясаң лупәс: «Геннадий Степанович – нәң хурәт хәншты вәтан хуят! Нәң хурдан эвәлт хәнты йис вәлупсы, мир нумсәт олаңән уша верты рәхл». Округ дума кәща ләңкәр хә, шуши мир ассамблея кәща ики **Еремей Айпин** ястәс: «Тынәң Геннадий Степанович, елди хурамәң хурәт хәнша! Нәң хурдан эвәлт вәлупсәв уяңа йил». Щит тумпи дүв Югра мүйев Россия мүй хурәт хәншты Союз эвәлт ишәк непек еша холумтәс.

«Хәнты ясаң» па «Луима сэрипис» газетайңәнән рәпитты ех ищи Геннадий Райшева ар ям ясаң китләт. Хүв йис нәпәт тумтака вәда, ешәк Геннадий Степанович!

Людмила ГУРЬЕВА



Ю.В. Балашов



Н. Рагимова верум-хурһан

7-мит классан вәндтуйлды нявремһан

## Ар ол нявремәт вәндтуман вәл

Юрий Викторович Балашов 42-мит ол ашколайн рәпитл. Лұв 1977-мит олн Сұмәтвош район Тәк кәртән физика па математика урокәт тәты олңитәс, 1981-мит ол вұш эвәлт ин вәнты Нуви сәнхум район Ваньщавәт кәртән нявремәт вәндтуман вәл.

Тәм хә Одесса вошн университет ет-шуптәс, механико-математической факультетн вәндтуйдәс. Шәлдә Омской педагогической университетн аспирантурайн соиска-теля вәс па Москва вошн 2011-мит олн педагогической наукайт кандидат нем холум-тәс. Лұв вудаң непекәл хәншәс ши олаңән, хутыса Югра мұевн шуши мир нявремәт ашколайн математика вәндтәлүйт. Юрий Викторович ветмит-хәтмит классәтн нявремәт вәндтуйлды вер дерамтәс. Лұв ясәңдал щирн, интәм нявремәт сыры олаңт киньщи пасыра енмәлдыйт па вәндтәлүйт: «Сыры пурайн вәндтуйдум нявремәт рәт мұев лавәлман вәсәт. Ма нәмәслум, ешавәл ши пура па ши юхәтл, хән иса ех мұев лавәлман, күтәлн ләхсәна, арсыр верәтн нәтман вәдты питләт. Интәм мир пасыра вәлдәт. Кашәң хәннехә лұв олңелн нәмәсыйл.

Мұн, пирәщ вәндтәты ех, йис щирн нявремәт вәндтәлүйт».

Ар ол нявремәт вәндтуман рә-питты хәннехә ясәңдал щирн, интәм пушхиет па щирн ишәкдыйт, вәндтуйлды вер пә-та посәтн омәслуйт. Единой государственной экзамен (ЕГЭ) па всероссийской проверочной рәпатайт (ВПР) унтасн интәм лавәрт уша павәтты, нявремәт йма иса верәт вәләт муй әнтә. «И пуш нявремәт ВПР версәт, кәт щос ши вәнты интернетн ши рәпата хәншты олаңән иса хәншман вәс, щирн кашәң нявремәт щит вантты щир тәйс. Сыры пурайн иса тарума вантман вәс. Ши пурайн пушхиет олимпиадая йма ләщәтуйдәсәт па во-ша яңхсәт щит хәншты пәта, ши вер вудаң тәйс. Интәм кашәң нявремәт интернета лүңәл па щит хәншәл, электронной пәшта хұват ишәкты непекән китлы па ши. Интәм дыв иса пурайн телефон

пила омәсләт па мулды вантләт. Ма щиремн, йидуп поступсы ки вұды, ләлн нявремәт ашколая телефон так-лы ат юхтуйдәсәт, йм ләлн вәс. Сыры нявремәт ар лүңәтсәт, ин – шимәлшәк. Ин иса программәйт вердыйт щиты, ләлн няврема кеншәк вәндтуйлды ат вәс. Ма щиремн, щиты верты ән мосл, вантә, хәннехә тәп лавәрт вер верман йм посн омәс-лы па ишәкды. Сыры ашколайн вәндтуйдум нявремәт хот йитәт сыс-тамтсәт, ин дывела щит верты ән рәхл», – лупл Юрий Викторович.

Лұв лупл, интәм интернетн хәнш-лы, хутыса юлн урокәт ләщәтуйды рәхл, тәп щит-тәт унтасн нявремәт нумсәна ән йидәт. «Мосл лупты, тәта, ай ашколайн, нявремәт урокәт интернет таклы верләт. Ма кашәң хәтл юлн верум рәпатайт вантдум. Ма щиремн, вән ашколаятн итәх нявремәт интернет унтасн юлн урокәт ләщәт-ләт. Тәта вәндтуйлды пушхиета йм, дыв катра щирн вәндтәлүйт. Ма щиремн, нявремәт пила ләхсәна вәдты мосл», – путәртәс Ю.В. Балашов.

Лұв ясәңдал щирн, вәндтәты хуята мосл уша павәтты, шуши нявремәт па мир пушхиет киньщи па хураспет: «Олаңмит олаңтн рәпитмемн ма ши олаңән ән вәйтсум. Ашколайн рәпитман уша йисум, ши нявремәт пила па щирн рә-питты мосл». Лұв пуш-хиета задачайт дыв вәдты вердал щирн мәлдә. Мосл лупты, ши ашколайн вәндтуйдум нявремәт йма ЕГЭ эк-замен мәләт.

Юрий Викторо-вич имәл Софья Романовна иши ар ол мәр ашколайн рәпитәс, ин олаңмит ол рүтыщә-ты мәнәс. Дын хәлүм нявремәт енмәлсәңән: Елена, Александр па Ольга. Дыв Нуви сәнхум вошн хотәң ехләл пила вәлдәт па рәпитләт. Именән-икенән хәт хиды тәйләңән. Юрий Викторович хұл вел-пәсләты вер пелы сәмән, тәп лупл, хуты хәнты мир йис пура вұш эвәлт тәп ши арат хұл велсәт, ләлн хотәң ехләл ла-пәтты. Щирн лұв лупл, ләлн мир йма, күтәлн ләхсәна ат вәлдәт. Тәр-мев иса пурайн лавәл-ман ат тәйләт.

Надежда  
РАГИМОВА

# Нях вошӑн «Мўн и мир» ёмӑнхӑтл

«Хӑнты ясӑн» газетаевн Ас потты тылӑщ 21-мит номерн ма Россия мўевн вӑлты арсыр мирӑт «День народного единства» немуп ёмӑнхӑтл пӑта Нягань вошн «Мўн и мир» немпи ариты-якты хӑр олаӑн ай павӑтсум. Интӑм щӑ ёмӑнхӑтл олаӑн еша па хӑншлум.

«Мўн и мир» немпи арӑн-якӑн якты хӑр округ луваттыйн нявремӑт кўтн 15 пўш верды. Вантӑ, айтелн пушхӑт вӑнлтӑты мосл, лӑдн лӑхсӑна па сӑмӑна ийха катӑсман, и нумӑсн шӑк вер ӑн вантман елды вӑлты.

Тӑм ол арӑн-якӑн хӑр па хурамӑн ванлтупсы Нях вош хоттел ӑха па нявремӑта нӑтты тӑхи ӑх унтасн лӑщӑтсы. Щиты Нях воша ӑртгӑн социальной тӑхи эвӑлт, щит Пыть-Ях, Урай, Ёмвош, Ёмвош район па Югорск, Советской па Нях вошӑт па Манстӑр район эвӑлт 45 няврем па айлат эви-пух ёмӑнхӑтла юхтыйлсӑт.

Кашӑн вош па район эвӑлт юхтум нявремӑт арсыр мирӑт культура альсӑт. Нях вош – хӑнтӑт, Пыть-Ях – мордвинӑт, Урай – рўщӑт, Ёмвош – осетинӑт, Ёмвош район – бурятӑт, Югорск – удмуртӑт, Советской – кӑлмыкӑт па Манстӑр район – хӑтанят.

Мойна юхтум кӑсты ӑх ӑмӑщ ванлтупсы лыв мирел олаӑн

альсӑт, якты-ариты хӑр ванлтӑсӑт па ӑрашты кӑсупсӑтн кӑссӑт.

Щит пӑта немасыя арталӑты хуятӑт кўтн хӑнты па вухӑль ӑх, удмуртӑт, мордвинӑт, осетинӑт, рўщӑт па па мирӑт вӑсӑт. Лыв тӑлаӑн хӑтл арсыр вошӑт эвӑлт юхтум шӑкӑшты нявремӑт, ӑнкилы-ащилы, мӑшмӑлтум па нўшӑйӑн хоттел ӑх пушхӑт пила вӑсӑт, лӑдн мет апрӑн, арӑн па якӑн ӑх пириты.

Алаӑн саты кӑсупсыя юхтум нявремӑт вӑнлтӑты хуятлал пила «Западный» немпи Нях вош культура хотн ӑктӑшсӑт. Мосл ястӑты, «Мўн и мир» немпи арӑн-якӑн хӑр Нях вош хуца хӑлум тӑхийн версы.

Якты хот па арсыр ямирӑт культура алдыты щира ванлтупсы «Западный» немпи Нях вош культура хотн вӑс. Ӕрашты кӑсупсӑт «Юность» немуп культура верӑт тӑты тӑхийн вантсўв. Па арсыр кӑсупсӑтн нух питум нявремӑт «Северяночка» немпи нўшӑйӑн хоттел



Арталӑты ӑха осетинской нянь ванлтӑды

И. Самсонова верум хурӑт

ӑх па ӑнкилы-ащилы хӑшум пушхӑт хотн мойдӑсыйт.

Хурамӑн ванлтупсы пӑты **1 степень** лауреата Ёмвошӑн эви С.А. Колова па вӑнлтӑты неӑл О.М. Норова тўрлопӑс шуши мир хурам пӑта; Советской вош мӑшӑн ӑвет-пухӑт тӑйты хот эвӑлт А.В. Петренко па вӑнлтӑты хӑйл В.Г. Вялков хурамӑн даращ пӑта, Нях вош хоттел ӑха па нявремӑта нӑтты тӑхи йисӑт.

**2 степень** лауреат нем А.Е. Лихачева вӑнлтӑты неӑл В.Г. Голикова пила вӑн акань пӑта па А.Ш. Норова вӑнлтӑты неӑл О.М. Норова пила вухӑль карты сев пӑта холумсӑт.

**3 степень** лауреат нем Югорск вош эвӑлт К.М. Синицына вӑнлтӑты неӑл Т.М. Теплякова Башкирской ванлтупсы пӑта па Д.В. Натынчик вӑнлтӑты неӑл пила Е.С. Липнягова ӑнтум башкирской хурам пӑта йисӑт.

Арӑн-якӑн хӑрн **А1 степень** лауреат нем Ёмвош «Радуга» немуп ӑнкилы-ащилы пушхӑт лавӑлды хот эвӑлт нявремӑт холумсӑт. **2 степень** лауреата «Лыдӑн союм» тӑхийн якты-ариты ӑвет О.М. Норова пила йисӑт.



Удмурт мир эвӑлт нянь

**3 степень** лауреат нем Урай па Советской эвӑлт мӑшмӑлтум нявремӑта нӑтты тӑхеӑн павӑтсӑн.

Ӕрашты кӑсупсӑт 6 верӑт ширн лӑщӑтсыйт: «Змейка» (рўщ юнтут), «Вўды катӑлды» (хӑнты юнтут), «Кӑща кӑсл» (кӑлмыкӑт юнтут), «Лӑн-кӑр эвӑлт нӑд есӑлды шир» (осетинӑт юнтут) па «Юрта хот» (башкирӑт юнтут).

Ӕрашты юнтӑн кӑсупсӑтн Ёмвошӑн нявремӑт нух питсӑт. Югорск па Советской вошӑн пушхӑт кимит тӑхи холумсӑт. Манстӑр район па Пыть-Ях вошӑн айлат ӑх хӑлмит тӑхия питсӑт.

Ирина  
САМСОНОВА



Кӑсупсы пурайн

# Тәса ёнтәсты ёх мойлуптәлдыт

Ван хәтлуп тыдәщ 10-мит хәтәлдн 1930-мит олд Советской Союз мұвн Остяко-Вогульской немуп округ верса. Ёхәт 1978-мит олд Ханты-Мансийской национальной округа немәтса, 2003-мит олд па Югра немн одса. Щиты, ван хәтлуп тыдәщн 10-мит хәтәлдн кашәң ол Ёмвош округ сема питум хәтл постәды.

Ёманхәтл постәты хәтләтн тәса ёнтәсты ёх Югра мұв губернатор Наталья Комарова эвәлт мойлупсыин катлуптәлдыт. Ёнтәсты – щит, хуты кашәң хәнты не хошты вер. Катра, вантә, мұң аңкидұв, аңқаңкидұв, щащилдұв дыв ёнтум сәхләдн, ёр-насладн шәшийдсәт. Щи пәта вән нартур имет худыева яма йинтуп катәлды хошдәт. Хә ёх па яма әхәл, хоп, павәрт хот па па пурмәсәт тәса верты хошсәт.



Н. Рагимова верум хур

Ваньщавәт кәртәң вимие **Галина Герасимовна Молданова** вән мойлупсыин мойлуптәды. Лұв ара ариты хұдәң Ас пұңәлдн, путәра путәртты дантәң Ас пұңәлдн Ваньщавәт вошн вәд. Тәм имиев ая вәдмәлдн оләң пұш сәкәң ил тәхи ёнтәс. Щи юпийн аңкел ёнтылум ёрнас пәдә вантман айдтыева мулды катяртты питәс. Ин лұв хәншәң щәшкан

сәхәт, яртъян пәнтуп тәс ёрнасәт ёнтәд. Лұв верум пурмәслад арсыр ванлтупсәтн вәлдәт. Галина Герасимовна 2020-мит олд 70 ола йил.



Н. Молданова мийом хур

Щәдта Вүтвошәң не **Мария Степановна Молданова** губернатор немуп вән мойлупсыин катлуптәды. Лұв Касум мұвн Нуви сәңхум район Вүтвошн ар ол мәр нявремәт вәндтуман рәпитәс. Тәм Молтан неңев мет щи тәса йис павәң ёрнасәт ёнтты хошл. Лұв аңкиед эвәлт шеңк ай эвиева хәщәс. Щи пәта йинтуп тәса катәлдыт па имет пәдә вантман вәндәс. Ин эвәдә, вәңәдә па хиләдә вейт, сәхәт, ёрнасәт йис хәнты мир щирн ёнтәд. Щи тумпи лұв ёнтум сүхләд Россия мұв дуваттыин арсыр ванлтупсәтн мира ванлтәдыт. Эстония мұвн йис пурмәсәт тайты хотн Мария Степановна верум тәс утәт хурам пәта вәлдәт. Лұв

ёнтум пурмәслад унтасн щи хұв мұвн мұң хәнты мирев вәйман тайла.



Интернег-эвәлт вүйом хур


Нуви сәңхум район кәртәң нәптәд вәна ёвум имие **Аксинья Григорьевна Ерныхова** мойлуптәды. Лұв тунты эвәлт хинтәт, воньщпәт, йиңдәт ёнтәд. Тәм нәптәд вәна ёвум имев вұды сүх пида ищи катләсыид. Лұв тәса йис павәң ёрнасәт ёнтәд. Йинтуп тәса катәлдыт айтәдн вәндәс. Аксинья Григорьевна ёнтум сүхләд Россия па па хон пеләк мұвәтн арсыр ванлтупсәтн мира ванлтәдыт. Лұв, вантә, йис щирн йиңәдәл пүнән ёнтәдә па хәншидәл тәса верл. Тәм вән хуятәв ёнтәстәд тумпи тумран верты хошл. Аксинья Григорьевна верум тумранәт Югра мұв дуваттыин мирн ара вұсыит. Лұв верты тумрандәл ям сый тайләт.

Сәрханл мұвн вәнт кәртәң вұдыедал да-вәдман вәлды ими **Ира Максимова Покачева** Югра мұв вән кәща мойлупсыин катлуптәды. Лұв хәншәң нюплұв сәхәт, вейт, молупшет тәса ёнтәд.



У. Данило верум хур

Тәм юрн имиев вәнт кәртәң кашәң хәтл йис вәлупсәлдн вәд. 2018-мит олд Ёмвоша юхтыдәс па мир хәшап ёнтты вәндтәс. Ира Максимова ёнтум юрн хир, вейдал, молупщи Русскинской вошн йис пурмәсәт шавиты хотн ванлтупсыин вәлдәт. Лұв эвәңәл ищи тәса ёнтәсты хошләңән па вәнт шушийн вәдләңән.




Р. Ользина верум хур

Щәдта Амня вошәң хәнты ики **Анатолий Николаевич Тасманов** мойлуптәды. Лұв тәса нюхрантты хошл. Юх эвәлт сотпәң кешет, оңәт шәпәт па па пурмәсәт верл. Тәм хуятәв ай ёх ищи вәндтәлдә кеши катәлды.

**Ульяна МОЛДАНОВА**

# Увас мир кәсүпсыйн кәсты нывремәт



Ю. Казамкин ишакты  
непек пида



А. Гришкина әхәл  
шәпи навәрл



А. Сенгепова кәсты хәрн

Ям арат ол юхды ма Сәрханл вошн Увас мир кәсүпсыя яңхсум па шуши мир нывремәт пида еша путәртсум. Ин лұнтаты, муй оланан лыв путәртсәт:

– Ма немем **Алевтина Гришкина**, ма Касум кәрт эвәлт. 2012-мит ол вүш эвәлт Увас мир кәсүпсәтн кәсты вәндтәл ханты мир вәтаң кәсты хә Александр Павлович Тасьманов. Ши пура вүш эвәлт Нижневартовск, Урай, Сәрханл вошәта кәсты яңхсум, хәхәлдты верн нух питыйлсум. Даюм евәлты лавәртшәк. Ин Ёмвош технолого-педагогической колледжән хәтл мәр ай нывремәт тайты ве-

ра вәндтәйлдлум. Ёмвошн Теннисной корт хуца кәсты яңхлум. Елды нумәс тәйлдлум физкультура урок тәты неңа йиты. Вантә, ма кәсты, әрашты йиты вер мосман тәйлдем.

– Ма немем **Александра Сенгепова**, ма 2015-мит ол вүш эвәлт кәсты вера вәндтәйлдлум, ма вәндтәты хәәм Александр Павлович Тасьманов. Мет сыры па әхәл шәпи навәртты вер мосман тәйлсум. Ин даюм тәса евәлдлум. Тәта шеңк әрәң зветпухәт күтн еша лавәртшәк кәсты. Тәмхәтл камн вотәң, ширн еша юврая даюм евәлдлум.

– Ма немем **Юрий Казамкин**, ма Варьеган кәрт эвәлт. Увас мир кәсты вера Александр Юрьевич Фильченко мўңев вәндтәл. Ма 500-600 әхәл шәпи навәрдлум. Россия мўвтел Увас мир кәсүпсәңәна яңхсум, шитнәң Ямал мўв Ноябрьск вошн па Нижневартовск вошн вәснәң. Ши тумпи шеңк пәста хәхәлдлум, лапәт минута мәр кәт километра хәхәлдты веритлдум.

Тәм Увас мир кәсүпсы мәнәма вера мәстәс, вантә, кәсты ләхәсдам пида вәйтантәйлдсум.

Ашкола юпийн нумәс тәй-

лдум елды Нижневартовской государственной университетн физкультура урок тәты хәя вәндтәйлдты.

– Ма немем **Атәй Лялькин**, шимәщ нем мәнәма Юрий Кылевич Вәлла аңшащем мәс. Ма Варьеган кәртән вәлдлум па ашколайн вәндтәйлдлум. Нәмләм, кәсты вер оланан уша версум па имухты шив мәнсум, хәншаньшсум па яңхты питсум. Мўңев Александр Юрьевич Фильченко Увас мир кәсты верәта вәндтәл. Ма ванкүтлү шимәщ кәсүпсәта яңхлум, тәп хулна нух ән питсум. Ма 200-кем әхәл шәпи навәрдлум, ши кәсты вер сәмәңа тәйлдем. Ши тумпи вүт кәртемен соткем вүды тәйлдүв, ширн тыншаң евәлты иши хошлум. Ма аңшащем иты вүды лавәлдты хәя йиты ләңхалум.

– Ма – **Максим Никитин**, Саранпауль кәрт эвәлт. 2013-мит ол вүш эвәлт Увас мир кәсты верәта Андрей Дорофеевич Филиппов вәндтәл. Нижневартовск воша кәсүпсыя яңхмемн ма нух питыйлсум. Тәм кәсүпсыйн ма па нывремәт эвәлт мет пәста хәхәлдлум. Вәлупсемн ашкола юпийн кашәң хәтл кәслум, хәхәлдлум. Нумәс тәйлдлум елды нывремәт кәсты верәта вәндтәты.

Людмила ГУРЬЕВА



А. Лялькин тыныщәң евәлдәл

Там йисн рутат-сырат каншты питсайт. Катра, вантэ, йи рут өх йи куртан вусат. Эвет туп икия мантад юпийн па курта мансат. Рут дэрлал ан вуштасдал, нөмсән тайсалал. Рут өх күтэлдн пөтартэлдн хөятэлдн нэм ант ястасэл, иса рут щира күтэлдн нюхомсат. Тухал хөят нэмл ан па вуйтса, нэмалдн ан па ястаса.

Катра Тэк куртэвн олаңан Неттин өх вулдыт питсат. Хүв пөрайн еман йиңкән дыв тыв тувомат. Эхатшик Кунават элты ими худом похал пила тыв касдас. Та-та дыв «Новьюхоп» опращ нэмн масайт. Ин ши 3 пөх элты Новьюхоп рутат мансат. Миляхоп өх – щит ищи юхат эхтөм өх. Пасыр опращ нэман өх мүн куртэва колхосат вером пөрайн питсат.

Ашколайн няврэмат рут лэрят верты вундтадайт. Щата конференцият пөрайн өх ешалт няврэмат дыв рутлал, рут дэрлал олаңан пөтартлат. Сүматвош касопсая ши вердал олаңан пөтартты няврэмат па тутыдидайт. Касопсаита рут лэрят верум нэпекдал елды па вошита китыдылдал. Олаңмет тахия питом няврэмат яма, гүңа вером нэпекдал вүраңан ищи мошатыялдат. Елена Леонтьевна Новьюхова па Олеся Вячеславовна Хандыбина няврэмат пила ванкүтды касопсайн нөх питыдылдан. Ям ши, рут верат нөх каншдайт. Матты няврэм, мосан, талдал вуна ювөм хөятат элты тухал вер дэромтадайт. Вантэ, вун өхлэв



Новьюховыт рут элты вулдыт өх. Тэк курт.



Вошрэнц ов курт Новьюховыт рут өх

З. Новьюхова китум хурһан

## Рут дэрят вуйтты мосл

ипүша хун вулдыт. Ин ки ай өх тухал вер ан дэромталдал, мосан, ши йис верат, йис пөтрат ипүша ши вушталайт. Мүн, муй лампа, вун өхлэв муң өнтасэвн вулдыт пөрайн, нумассүв: «Йис пөтрат, йис верат олаңан муй худантты. Мүн ин па щирн вулдыт, рүщ щирн вулдыт». Юхатшик па нумассүв: «Вун өхлэв муң өнтасэвн вулдыт, мөлдты вер мосматл ки, юхатшик иньщаслүв». Ин па дыв антумат, йис пөтартал, катра вердал пантан тусдал. Мүн күш тухл пөрайн мөлдты иньщасты дэрамтты вутщалдүв, туп щирев антум ши верев вертыя.

Паром сүсн Наталья Евгеньевна Краснопеева мүн куртэва өхтылдас. Лув Новьюхоп рутат дэр олаңан та-та ванлтопса верылдас. Щит лүв вун рупата ши вермал: кашин ханнэху гүңа, лүв тахела ханшты мосас. Ши рут дэр интернат хот питарн дэщатман вул. Няврэмат, ши нэпек ешалт вантман, мөхты шиялалдал дыв рутлал, шиялалдал, мата өх, мата няврэм лүвел мет ван рут, мата өх (хунты рута ан луңтөм хөят), рута вулдыт. Щит ям ши. Хун нэпека щимаш верат питлат ки, мосан, хунты сэма питты өх ши нэпекат хуват рут каншты питлат. Ин ма ханшом стихотворение Новьюхоп рут олаңан.

Новьюхоп опращ нэм  
Новьюхоп опращ нэм олаңан  
Мүн күтэвн пөтартылдүв,  
Еша яха нөмасылдүв:

«Новьюхоп опращ нэмеv –  
Муйсар ясан элты тыйс?»  
– Мосан, вун опращев вус  
Нөви элли, нөви венши,  
Упатлал, алпа, ищи нөвет.  
Па щирн-ки нумалмала:  
– Хүв пөрайн опращ өхлэв  
Сыстама-нөвия хотэл тайсэл.  
Нөмсән өх дыв, алпа, вусат.  
Нөви (сыстам) нөмас тайсат.  
Нөви (ялөп) юх хоп версат.  
Щалта, алпа, мосл вантты,  
Мүн щиревн, тамаш ясан:  
– Опращ нэмеv, мосан, тыйс.  
«Нөви юх» – щит «Сүмат юх»  
эвалт.

Метшик опращ нэмева рэхл,  
Мүн нөмсэван тамаш ясан:  
– Охал вотом пираш ики  
Вун опращев хунты вус.  
Упатлал нөвет-шовар сох  
хөрпет,

Алпа, вусат ши пөрайн.  
Лүв элтэла елды манас  
Ин мүн тайты опращ нэмеv.  
Новьюхоп ям мүн нэмеv.  
Күш муй ясан элты ат тыйс  
Новьюхоп йис мүн нэмеv,  
Ат вул, умаш ясөп нэмеv.  
Йи вер яма нын вуйтаты:  
– Хүв пөрайн вун опращев  
Йи ху вус.  
Щирн хөдыева вулдыт  
Новьюхоп рута-сыра.  
Опращев мүнева хөем нэм  
Ал туп лүвел едумтаты,  
Ям вер иса нын вераты!  
Новьюхоп ханты мирев,  
Мүвев хуват шушилаты.

Зоя НОВЬЮХОВА

# «Өмвош өх» – ариты-якты тәхи

Ас потты тылдың однитумн народной творчества хотн «Өмвош өх» ариты-якты тәхи хуятат оса мир етнхота акадса. Тәнял, ай тәхет потты тылдың, ханты имет ариты-якты тәхи ләщәтты нумас верса, хута катра па тәм йис ханты арәт ариты па якәт якты питләт. Мет олаң пүш дыв «Югра дьлнуптәты» оса тәхийн арисәт. Щәлта айлтыева-айлтыева арсыр етнхотәтн, вөйтәнтупсәтн па вән өмәнхәтләтн ариты питсәт.

Тәм етнхотн вүща ясаң дывела народной творчества хот қәща не **Елена Исламуратова** лупас:

– Тәмхәтл, хән тыв йисум, нын верум ванлтупсы шиваләсум. Щәта хәншман вәд «Ям хурас тәты хуятәт». Нын одненән па ширн лупты ән рәхл. Нын тәп и ола йисты, па и ол мәр ши арәт йәт вер ләщәтсәты. Хурамәң арлән мира ванлтуман 20-кем вөйтәнтупсыйн вәсты. Щит пәта вән пәмәщипа ясаң лупты ләңхалум.

«Өмвош өх» ариты-якты тәхийн нивд вәндат па айлат не вәд. Кәща неңел – **Фаина Иштимирова (Костина)**. Лүв Өмвош округ культура вулаң нем тәйл. Фаина Павловна Ваньщавәт кәртән Сүмәтвош (ин Нуви сәнхум) районән сема питәс па енмәс. Айтелдн якты-ариты вера хәрши вәс. Ашкола юпийн Пулнавәт воша культура училищя вәнлтыйдты мәнәс. Щит етшуптумал юпийн юхды керләс. Еша Ваньщавәт кәртән рәпитәс. Щәлта хотәң өхләд Полнавәт кәрта вәдты касәлсәт па лүв щив рәпитты мәнәс. Щәта мулты арәт ола вәс. Ши юпийн Нүм касумн па Нуви сәнхум вошн рәпитәс. Фаина Павловна Нуви сәнхум вошн «Увәс хурамәт» якты тәхи ләщәтәс.

**Людмила Зубакина (Гришкина)** – Түкьякәң ими. Лүв хотәлн мет вән няврема па ипүша аңкелә-ашцәла нәтман вәс. Людмила Каллистратовна рәт ясаңл, йис верәт йәма вәд, тәса өнтәсты хошл. Өмвошн сыр-сыр өмәнхәтләтн шиваләды, хулта вохды, иса щив мәнл, мулты мосты верн нәтумл.



«Өмвош өх» неңәт ариләт

Тәм ариты-якты тәхия мет сыры дүв юхтәс.

**Ираида Аксенова** Сүмәтвош районән Ханкокуртән сема питәс. Ин там кәрт вәлум тәхи Советской района питәс, «Малая Сосьва» мұв-авәт давәлты тәхийн. Хән Ираида Васильевна хәт тәла йис, дыв хотәң өхләд пила Полнавәт кәрта касәлсәт, лүв щәта енмәс. Щәтыщәцел Григорий Прокопьевич Смолин нарәсьюхән юнтәс, ханты арәт арийс. Щәцел Марья Ефимовна иши арәң неңә вәс.

**Валентина Швецова (Ерныхова)** – касум мұв Амня кәрт не. Ашкола юпийн нүм мұва вәнлтыйдты па вәдты яңхәс. Тәп сәмәлн рәт мұвда талсы, юхды ши керләс. Ар ола Нуви сәнхум вошн вәс, ин эвәлал хуши Өмвоша вәдты юхтәс. Па имухты «Өмвош өх» тәхийн ариты питәс. Валентина Елисеевна ханты арәт па моньщәт хәншәл па арийл. Лүв арсыр өмәнхәтләтн вәдляс па ар ишәк непеке еша холумтәс.

**Мария Эккерт (Молданова)** – Ваньщавәт не. Лүв айтәлн аңкиды-ащилы хәщәс. Яйдал пила шәкащты нявремәт тәйты хотн енумсәт, рәт ясаңл юремәс-лә. Тәп сәмәлн щив ши талды, лүв сәттәла, вән имет пелды вантман өнтәсты вәнлтыләс. Сәк эвәлт сыр-сыр пурмәсәт кәрәтл, хурамәң севум вейт тәйл па па арсыр өмәщ верәт уша павәтсәлә.

**Раиса Головина (Нёмысова)** Полнавәт кәртән сема питәс. Аңкел-ашцәл пила плашкоутн яңхман айлтыева арийс. Ая вәс,



Ф.П. Иштимирова  
Е.Е. Исламуратова пила

Н. Вах верум хурчән

хән аңкел-ашцәл вәтшәслә. Ин па «Өмвош өх» тәхия вән амәтн яңхәл, тәта рәт ясаңлн арийл па путәртәл.

**Людмила Гурьева (Шульгина)** хәнты тыв Ямал мұв эвәлт вәнлтыйдты юхтәс па тәта вәдты хәщәс. Лүв «Ханты ясаң» непеке ар ола рәпитл. Людмила ям тур сый тәйл. Лүв лупас, хути хотәң өхләд йәма ариты хошсәт.

**Анна Зверева (Гришкина)** айлат не вух лүңәтты неңә вәд. Тәп лүв вәдтал хұват ханты арәт ариты па хурамәң якәт якты дәнхас. Анна ханты сух ән тәйс па сора өрнас, ниры өнтәс, хәншәң севум вей, пос тәйс, дәлн етнхотәтн лүв юкан ханты пурмәсәтн вәдты.

Тәм ханты имие тәп и ола ияха катләсман вәдләт. Дыв вән па мосты вер верләт, ханты арәт мира ванлталәт. Елды дыв якәт па вәнлталәт па якты питләт. Ин айкемн щит верты питсәт, тәм етнхотн олаң якәд ванлтәсәт.

**Надежда ВАХ**

Югра – хурамән, ташаң мўев. Йистелн тата хәнтәт, вухалят па юрнәт вәлдәт. Округевн 128 мулдас арсыр мир вәд. Кашаң мир культура па йис вәлупсы олаңан шеңк әмәш уша верты. Ас-угорской мирлүв күтн ищиты әмәш, нумсаң, йис верәт яма вәты, араң па якәң, мир пела сәмән хуятлүв вәлдәт.

# Айтедн путрәт хәншты вер сәмәлдн тайләдә



Н. Мешалкина киникайт кев хурас пұңәдн



Хәнты не Н. Мешалкина

Мўң ар шуши мир-лүв олаңан хәншсүв, вән пеләк ехлүв олаңан па хәншты мосд. Вантә, кашаң хәннехә хошум сәмән, ям нумәсн па мосты верн вәд, күш лүв апрәң па путрәң, күш мәшья па верәң.

Тәмхәтл ма Гришкинәт хоттел ех эвәлт вәдты хәнты айдат не Наталья Мешалкина олаңан айкел тәты дәңхалум.

35 ол юхды пела Альберт Илларионович па Альбина Андреевна Гришкинәң хоттел ехн ай пушхие сема питәс. Немн пунсы – Наталья. Ашкола вәнты аңкел-ащел пила мет вән Ас пұңәдн омәсты Түкьякәң кәртыенән вәс. Лапәт ола ювмалн эвие Нуви сәңхум воша

вәндтыйлды тәсы.

Наташа вера нум-сәң няврема вәс. Айтедн лұңәтты вер сәмәлдн тайсәдә, юнтутәт юкана киникайт пила йәңхәс. Кашаң утые олаңан лүвела әмәш уша верты вәс. 11 ол луваттыйн хәнты эвие мет олаң лұңәтты ар хәншәс. Елды стихдал, ай путәрдал па моньшдал күд непека әкәтты питәс.

Ши тумпи хурамәт ентәсты, сәк кәрәтты, тыйты, олюпн хурәт хәншты, ариты па якты верәт вәндтәты тәхета йәңхәс. Әрашты верәт: певәлды па «аэробика» утәна иши яма вәндәс.

Ашкола юпийн Наталья Тюмень вош государственной университетн «Институт государственн и права» тәхи етшуптәс.

2008-мит ол вүш эвәлт хәнты неңие Ёмвошн вәдты-холты питәс. Айлат Мешалкинәт хоттел ех хуца кәт пухиенән енумләңән.

Рәпата тумпийн нумсәң неңә ентәсты вер па сәк эвәлт хурамәт кәрәтты әмәш. Тәп лұңәтты па путрәт хәншты вер мет сәмәна тайл. Ай Түкьякәң кәртән енмум, хурамәң лұң пурайн вән ехдал күтн вәлман айтедн хәнты мир йис верәт, путрәт тәса вәд. Ши

верәт, нумсәт ищипа непека пунд.

«Айтедн сема питум мўвиём-йиңкиём сәмәна тайлем. Кәртәң мир, рәт хотем, вәнтән па хәрн енумты юхәт, нөрщәт, турнәт па варсәт, вәнт па хәр войт, Асн вәдты арсыр хўд, тәрум па хәтл – щит таклы хутыса вәдты. Хәнты мир йис верәт, путрәт, вән ехлүв партупсәт вера нумсәңәт. Ши олаңан айтедн хәләнтсум, ши олаңан яма вәдем, ши олаңан непека хәншлум», – лупәд хәнты айлат не Наталья Мешалкина.

Ям арат пұш Наталья Мешалкина рўщ ясаңан хәншум моньшәт, путрәт, йис партупсәт, лұңәтты арәт, йилуп щирн хәншум путрәт пила арсыр литературной кәсупсәтн нух питыләс.

«5 традиций или жизнь в гармонии с природой» немпи путәр округ кәсупсыйн нух питәс. «Моньшәт» немпи путәр иши округ кәсупсыйн олаңмит тәхия павәтсы. 2015-мит одн Национальной литературной премия щирн «Сказка-притча «Ответ ангела» немуп путәр пәта «Писатель года – 2015» немн мәсы.

2019-мит одн Наталья Мешалкина мет олаң хәнты ясаңан лұңәтты

ар хәншәс. Мўнева ам-тән, ши луват ям хәннехә олаңан уша версүв. Кашаң хәтл хән рәт ясаңан путрәт хәншты хуят вәйтлүв. Наталья Мешалкина дәңхалүв рәт ясаңан хәншты ши мосты вер ищиты елды вәлупсы хүват тәты!

Ин лүв хәншум стихдал лұңтаты.

## Хәтл етәс

Хәннехә хўд  
велпәсләты мәнд.  
Ма вантлум.

Ма арилум.

Хәтл етәс.  
Хәннехә хўд  
велпәсләты мәнд.  
Ма вантлум.  
Ма вәллум.  
Ма арилум.

## Доньщ питл

Етн. Доньщ.  
Мин мәр ешәт  
катәдтумн.

Ма па пил хә вошен  
күрн мәндлум.  
Нуви тыләш.  
Сайды-хәслы.

Тәд мухәлая.  
Доньщ питл.  
Нуви доньщ.

Лүв кен.  
Мин дольдумн.  
Мин дыпийн семәт  
вантлумн.

Доньщ питл.  
Доньщ мухәлая.  
Сәма мосты тәп  
юхтыйлдум...

Ирина САМСОНОВА

# Корлики кэртэң хоттел ёх



Наталья Каткалева

**Корлики кэрта яңхмемн ма ям хоттел ёх пида вейтантыйлсум, щит Анатолий Петрович па Наталья Андреевна Каткалевнән.**

Ши катнән Корлики кэртән сема питсәнән. Сыры Анатолий Петрович пугартас: «Ащем – Анатолий Егорович Каткалев – Корлики кэртэң хә, аңкем Прасковья Константиновна, эви опрац немл Хохлянкина, лүв Сосновой Бор кэрт эвэлт вәс. Хотэвн нивл няврем енмәс, ма – хәтмит хуят, 1963-мит одн Корлики кэртән сема питсум, тата енумсум, ашколайн вәндтыйлсум. 15 ода ювмемн хүд велпәсләты питсум, ашкола юпийн ши рәпата тәлүм. Советской дащ пугайн мүн хуцева хүд велпәсләты тәхи вәс, мүн планэв тәрматсүв, щирн вән тыләщ вух ёша холумсүв, 300-400 шойт вух арат. Хүд велпәсләты вер – щенк давәрт рәпата. Ма мәшәңа йисум, щирн пенсияйн вәлдум. Кэртэң кәщайт нәтләт, «Буран» әхәдн мәсьюв, кәт пүш хотэв нух ләщәтты пата вух нәтсьюв».

Корлики кэрт вүшн 60 верста эвәлт лүв вүт кэртәл вәл. Сыры имел пида щәта хәлүм ол вәснән, ин щив хүд па вой велпәсләты яңхийл. «Вах юхана Ас эвәлт хү-



Анатолий Каткалев

ләт ән лунләт, тата сорт, панне, мевты, ев па щәпәр хүдәт вәлләт. Товийн васы вәлдум. Күрәң вой павәтты пата рәхты непек шеңк тынән, щирн ән вүлүм», – пугартәл Анатолий.

1988-мит одн лүв именеә йис, ийха вет няврем енмәлсәнән: Прасковья, Николай, Светлана, Гаврил, Дарья. Мет вән эвел Нижневартовск вошн непекәңа йис, ин рәпитл. Икия мәнәс, ищи няврем тәйл.

Наталья имел ищи Корлики кэртән 1967-мит одн сема питәс. Лүв хәнты Пыгатовәт рәт эвәлт йил. Лыв семьяелн нәл няврем вәс. «Ащем Андрей Романович Пыгатов армия юпийн Ёмвошн вәндтыләс. Ши юпийн рәт кэртәла керләс, тата хүд вүты хәя рәпитәс. Щәлта радивайн айкеләт пугартәс. Әхәт Корлики кэртэң кәщая вәс. Аңкем Августа Алексеевна Прасина вух лүңәтты па мәты неңа рәпитәс. Щәлта аңкем-ащем ийха хүд па вой велпәсләты питсәнән», – нәмәлмәс Наталья Андреевна.

Ашкола етшуптумал юпийн Тәпәл воша мәнәс, щәта рыбопромышленной техникум хуца вәндтыләс, тәп ән етшуптәслә, юхлы керләс. Корлики кэртән нянь верты неңа вәс, щәлта лапкайн рәпитәс, ин ашкола хот давалдман вәл.

Каткалевнән мәнема Корлики кэрт оләнән пугартәсәнән: «Катра пугайн мүн кэртэвн хүд па вой велты (ПОХ), вухсар енмәлты, воньшумутәт, нохәр семәт, тулхәт мәты тәхет вәсәт. Худыева кэртэң ёх рәпитсәт. Перестройка пура вүш эвәлт ши тәхет айдтыева ләп тәхәртты питсыйт, щирн ин итәх кэртәң хуятәт рәпата ән тәйләт».

Каткалевнән яснәт щирн, Борис Хохряков Нижневартовской район кәщая вәлүм пугайн Корлики кэртән йилуп хотәт, ям әшәт тывсәт. «Лүв кашәң пүш йилуп хотәт етшуптәты пугайн вантты юхтыләс. Нәмлем, кэртэв хүват шәшл, кашәң хуят веритәс лүв пиләда пугартты, мулты иньщәсты. Ипүш лүв хүд па вой велпәсләты, вүлән ёх вән мирхота па кәсупсыя округ кәщә Александр Филипенко па округ дума депутат Еремей Айпин пида юхтыләс. Ши пугайн лүв ищи кэрт хүват яңхәс па мүн кэртэң хәевн Алексей Егорович Кунинән мүн вән хотэва тәтәдысы. Мүн хуцева шеңк ищки вәс. Лүв лупәс: «Увәс мүвн щимәщ ищки хот омәсты ән рәхл!» Еремей Айпин иньщәсәс: «Кимит кәр мосл?» Ма лупсум: «Мосл ши». Лүңән округ кәщә хә Александр Филипенко партупсы щирн иса хотәт ләщәтсыйт, мүн кимит кәрн омәссьюв», – нәмәлмәс Наталья Андреевна Каткалева.

Наталья Андреевна тыйты Няма хошл, икеда, няврем-лада посәт, лүйң посәт, носкайт тыйл. Ши тумпи хот пүңәдн картәпка па арсыр овошәт, әня лыптәт енмәлтәл. Света па Дарья эвәңәл сәк кәрәтман арсыр хурамәң түрлопсәт верләңән, ши тумпи ванкүтлы хәнты ясәңән кәсупсәтн кәсләңән, Наталья Андреевна иса пугайн эвәңәла нәтл. И лүңән Светлана ашкола рүтышәты хәрн рәпитәс.

Щимәщ ям семья Корлики кэртән вәл. Округ сема питум хәтл пата Каткалев хоттел ёха ям вүща ясәң китлүв. Нын хотәнән иса яма ат питл, нявремлан ям верлалн ат амәт ат тәләт, тәлаң ёш, тәлаң күр!

# «Мой вер» дэщятсәт

Кашаң мир хуши мет вулаң вер, щит айлат ёх тўнщираңа нух енмәлты, ләдн йм хәннехуятәта ат йисәт. Щит пәта арсыр щирәт вәлдәт: муй щирн рәхл оса тәхетн па юдн вәлты, мата әмәш верәт дэщятты хошдәт па па утәт. Йис верәт па шуши мир культура хуваат ищи пушхәт тәса енмәлты рәхл.

Няврем сема питты вўш эвәлт тумтәка, мосты щирн енмәлты мосл. Хән лүв кәт тыләщ лувата йил, мухәлая вантыйлты пиньшәл, хуят шиваләталн веншәл нях-мулаңа ювәнтәл. Щи вўш эвәлт «няврем – вән хуят» нюр ийха катләсман вәлдәңән. Щит пушәх пәта мет мосты щира вәл. Хәнтәт нявремләд ищи йм, тәс верәта вәнлтуман енмәлдәләд.

И хәтлән сүс хәтәлн Олег па Карина Кришталь хотгел ёх хуца пухие сема питәс. Ин лүв хәлүм тыләща йис. Хәнты щирн «мой» вер дэщятты пура щи юхтәс. Тәмәщ «мой» вер пушхәт пәта вулаң вера тәйлы. Нявремәт айкемн

вәнлдәт вәнлата ювум хуятләд пелы сәмәңа вәлты.

Алаң саты «мой» тәты хуятәт мень не хота мәнты әктәщсәт. Аңкел сүмәт юх шәпа йирум ухшам ёшн тәйл. «Вең хә» ащелн ёшн тәды. Вана юхәтсәт па нәхумман: «Тәта «мень неңев» вәд?», юхи щи луңсәт. «Мень не» амтәңа ещәлт етәс: «Тәта, тәта, нәңен лавәлдлем». Валерий Александрович Антонина Константиновна иикел «вең хәйн» мойлум ухшам имед уха пунсәлэ па йм, хошум яснәт путәртәс.

«Вең хә» ащелн «мень не» ёша мәсы. Антонина Константиновна няврем ёша вўслә па ёмәң арнарисәлэ. Рәт ёхләд хи-



Ай «вең хә» рәтләд пида

дәл пәта ариюм мет йм ар хәләнтсәт. Шәлдта хулыева шай яньщты омәссәт. Щиты щи «мой» вер сухнәс.

Хәнты мир писатель хә Еремей Айпин хәншум путәр нумәса юхтәс: «Рәт мўвн вәлты па

йис верәт вәты хәннехә така йил. Щимәщ хәннехә пида немәлт вевтам вер ән тывл».

**Светлана ПРАСИНА**  
Хәнты ясәң касум  
путрупсыя тулмащтәс  
Надежда ВАХ

## Илновты сәхы вәллөх

(тәм путәр вах ёх хәнтәт путрупсийн хәншсы)

Қәнтәх ях илновтох йорнам ньәңиқыилал энәмтәтә онләт. Ёкөм ньәңиқыи чөкин семья

питвәд әңкил откәлнә қәнамах энәмтәли. Кә иконтәрәв ньәңиқыи әңкилоткәл кәстәлнә

лысәхвәл, линт ләрхәлтәвәл. Йәңқатә отәллә кәтәлтә онлахән. Ти ләннә масвәл мәч ньәңиқыи вәңсивнә вәлта.

Әймәтә сүңәң паттәйли қотәл әйәмкитәм якқәннә Олег пәни Карина Криштальхәннә йимәң қотәл вәлхас. Линнә айвәрики иконтәрнә пәхали семә питкәл. Ит лөхә қоләм иконтәр. Қәнтәх яхнә ти ләннә ньәңиқыит әдлә яха әрәхтәли, майпары вервәлт. Тиминт верь әйсәх ях пилтәхлилтә ньәңиқыит онәлтәвәл.

Алән әсә – йәхсә илән нюла төлөхмын том қатпа мәнсәт. Пәхали

әңкил сөхмәтли сөхюх китләхән сумынтәх төх менәтәнә йөрхән. Пәхали лөхтил ос әпылнә әләммин тулы. «Тим тәхынә әйәмкитәм тәрәм ниңәли вәлвәл» – тиминт қолнә ях қатайеқ ләңасәт. «Тәт, тәт мә вәлләм, нәңә ләхәлләм» – тиминт қолнә иминә ях йеқ вахсәллә. Ях тех мәмә сумынтәх икинә имил оха пәнсы. Ти сәхыт икинә имил пәхалия әрәхтәси. Иминә пәхали қотә вәмин өхмилси пәни лөхә лысмарәңқа луппәныс. Пырнә ях әйқә чәйәңк литә ымәлсәт.

Еремей Айпин нипикәднә қәңчихал: «Қәнамах йорнам мәхәднә вәлтә қәсы, мәхәднә серәккә алвәл».

**Светлана ПРАСИНА**



## Округев ишикты ар

Кашаң ханнэху вулты мувл  
мосман тайдалдэ. Мўңева  
ищиты энмём, вулём, ру-  
питём мўвиев шеңк мосл.  
Ин ма тата рўщ ясаң элты  
ханты ясаңа толмащтём арэм  
ханшлум. Там ар рўщ яса-  
ңаң «Гимн Югры» (ханшас  
А. Радченко), ханты ясаңаң  
«Округев ишикты ар» нэм  
тайл.

Округев ишикты ар  
Округев пирәщ похатур,  
Дылаңа илта нөх павтас.  
Урал па Сибирь –  
Дын шәңк нётлаңаң вулты  
Россия ташаңа па ояңа.

**Югра – ар хураспи йох,  
Арсыр верәт вердәлүв,  
Елды хәрщия шушл.  
Тата вулты миревн мўвев  
нөх щи алёмла.  
Ям вердал дыв юпелн хәщдәт.**

Мўвев тайл арсыр таш.  
Турём ащийн миюм лўв,  
Тата, алмунтыки, тухлән  
энулдаюв,  
Маркаңа, алпа, мўң йилүв.

**Югра – ар хураспи йох,  
Арсыр верәт вердәлүв,  
Елды хәрщия шушл.  
Тата вулты миревн мўвев  
нөх щи алёмла.  
Ям вердал дыв юпелн хәщдәт.**

Югра – щит мўң мосты хотэв,  
Ханнэху тата мосман тайла,  
Мўн, вераты кемевн,  
наңен нётты питлўв  
Елды энёмты, нөх павтасты.

**Югра – ар хураспи йох,  
Арсыр верәт вердәлүв,  
Елды хәрщия шушл.  
Тата вулты миревн мўвев  
нөх щи алёмла.  
Ям вердал дыв юпелн хәщдәт.**

Тата вулты миревн мўвев  
нөх щи алёмла,  
Ям вердал дыв юпелн хәщдәт.

**Там ар ханты ясаңа  
толмащтас Зоя НОВЫУХОВА**



Т. Молданов миюм хур

## Ханты мирема

**Вўща вөлаты, ешәк ханты мирем! Вантэ, хўв йистелн ханты  
мирев арән, моньщән. Кашаң ханнэхө ая вөлтәл вўш эвәлт юкан  
ар тайл. Там пўш ма ханшум арләм ханшсум.**

Вөн калн ар хө яңхум вўдең әш  
Ар не наврәлтум ёңк әш  
Вөн әш хәр овиём  
Нәң худта вөшсән?  
Нәң худта мәнсән?  
Ар әхләң әш йах питты әш ов,  
Хута нәң?  
Вөн кал омсыылды хәр  
Нәмдем, әш ов хуща  
Екәр акем хәлүм хопты кирум  
әхләлн делумтас,  
Ай щашупем, веңум пила воша  
наврәлдәңән  
Хўв депсуп вөн вәншет  
Алпа, дыв ин мўңты давалдәт.  
Хәләнта, вөн ләңханьщуп  
мәраң сый ин па сатыл.  
Тум тўта ай калн Илья яюм  
ай пух вўдең әхәлн наврәлтәл  
Ванта, вөн вәншилам амәтсәт,  
Вўды хәхәлты щимрәң  
сый сатыл.

\*\*\*

Лўн кәрт юхан ма кәртиём,  
вўща вөда!  
Енмум хотем, вўдыдам  
хәхәтлюм пәшас  
Ащем омсум вальщам хәр  
Там тата вара шәшты әшев  
Кәртие па хотые...  
Вошәң ики ащем юпийн  
Нәң, тәңха, иса щира пуртәсыйн?  
Ма вантсем хуты,  
Хәтләң хәтл вертыйн  
Молтан юкан мәтта хилы  
Лўн кәрт юхан пўңәлн  
Әңхи-юхи вөн ратхәр вўщитл,  
Әңхи-юхи вөн тўт әл!

Касум юхан кәрәщ керәс,  
Хәр ёхумн ёмаң лупас  
Ма семема ин па питл  
Русең ухшам пунум ими,  
Рәхәң кәти лўв карийл.

\*\*\*

Молтан ики ащиём кирум  
Оңәтләл вўтәң вет хоптем  
Овды-патлы вөн нөрүмн  
Лўй ән кәлты тарум вотасн  
Вошәң не ма наврәлдүм,  
Молтан не ма мәнлүм.  
Ар неңиём ям күтн  
шәңкәп веритлүм,  
Ар хәйиём ям күтн йина  
паклүм.

\*\*\*

### Ай нявремәта

Акань, акань, акань,  
Аня акань,  
Аңқанкем ёнтум  
Аня акань,  
Вўщлүм ёрнас  
Ләмтас лўв.  
Нөрүм хурпи  
Аня акань.

\*\*\*

Ай воньщпиём алемәдем,  
Мәрәх әкәтты хәхәлмәлүм,  
Нямәлт эвәлт ма ән пәллүм,  
Пелдә эвәлт ма хунталүм,  
Щимәщ каркам ай эвие.

**Ульяна ДАНИЛО**

# Йис амамәтщет

«Ханты ясән» катра газетайт вантемн ванкүтды непека нух ханшум йис ханты мир арәт, путрәт, моньщуптәт, амамәтщет шувадылдум. Щиты «Ханты ясән» 30 июнь 2001-мит од 26-мит номерн моньщуптәт ханшман вәсәт.

Тәм моньщуптәт Касум мұвн вәлты Молтан хотгед ёхн сема питум хә Михаил Молданов 2001-мит одн «Ханты ясән» газетая китәс. Щитәт лүведа ащел-әңкел Алексей Михайлович па Евдокия Кузьминична Молдановңән моньщуптәсңән.

Моньщуптәт:

1. Карты милуп хә сот хә эсәл.
2. Сот хә и ёш.
3. Юх тый кали-вули.
4. Вәнтән, хәруп сүңән вүрты лаңки доль.
5. Юх тый вед доваң хә.
6. Йиңк илпи сот сем.
7. Йиңк илпи сәмәң калаш.
8. Йиңк илпи кумры хот.
9. Юхан хонәңән оңәт пеләк хор хәхәл.
10. Юхан шәпа лавни әхәл сучие таләсл.
11. Вәнтап, хәруп сүңән йм летутәң сәные омәсл.



Интернет эвәлт хурһән

**Моньщуптәт:**

1. Шай пүт.
2. Ов катәлты ваңрәп, ов луңк.
3. Пәшар воньшумут.
4. Тунтәл хурум сүмәт.
5. Лаңки.
6. Холуп.
7. Паннә.
8. Пән.
9. Пул пеләк.
10. Сос.
11. Тыхәл.
12. Вүды есум.
13. Хопәң хә.
14. Щит товийн хот сүң эвәлт йиңк посыйл.
15. Хәсәт.
16. Вүды күрпат лятыйл доньщ әхтыйн.
17. Түт левум лот.
18. Күшкар.
19. Пулцән.
20. Нумәс.
21. Йиңк.
22. Васы карәң пушәх.
23. Нохәр юх, нохәр.
24. Йиңк.
25. Непек, пищма.
26. Вош.
27. Дый па кавәртты пүт.
28. Сүмәт.
29. Ики нымалдәл доньщдал судыдә.
30. Антупкел тайтңән.

**Тыдәщ келши моньщуптәт:**

1. Сәсем.
2. Кәт ёшем, күрем.
3. Хәлум тухлуп нәдемн велум войём пәрмал әнтә, вошмал әнтә.
4. Няд ёшем, күрем.
5. Вет хотуп кәртән и лаюма, и кешия әнт ёрумлум.
6. Хәт күруп охләмн найң мұв керәтлум, вортәң мұв керәтлум.
7. Лапәт тыдщуп тәл вертыйн, лапәт тыдщуп лүң вертыйн лупасәң хә лупасәл теканл, хотәң хә хотәл теканл.
8. Нивәд тыдщуп тәл вертыйн лупасәң хә лупасәл худал, хотәң хә хотәл худал.
9. Яртыяң тыдщуп тәл әнт верәнтәс. Йивдап, асдап ут.

**Амамәтщет:**

1. Лаңки.
2. Савне.
3. Вот.
4. Лаюм.
5. Юх аңкәл.
6. Нохәр.
7. Анши.
8. Сос.
9. Сесе пукда.
10. Холуп.
11. Пән.
12. Пушәх.
13. Под пеләк.

12. Ухтохи няд нюки хот дольдәт.

13. Мәндум, мәндум – пәнтем ән кәл.

14. Хот сүңән даш дойл.

15. Хот ланәл пирмәң тәхты.

16. Дяты-пәты ветсот, дяты-пәты хәтсот.

17. Йм дов дольты тәхи варәсн әнт әтла, турәнән әнт әтла.

18. И пеләк эвәлт кәл, и пеләк эвәлт ән кәл.

19. Лепәклә и әңхәл эвәлт ет-лял, и әңхәл эвәлт юхи луңәл.

20. Муй вой мет пәсты тәм мұв хуца.

21. Муйсәр летут тәм мұвн вера йм.

22. Па мұв эвәлт юхтум вой ухл уш әнтә, күрл уш әнтә.

23. Юх тый хұв пос.

24. Сот хә и есум.

25. Тәдта китты вәнд пулем тухи ракәл, тулта китты вәнд пулем тыв ракәл.

26. Юхан хонәңән питы тўшуп икилә доль.

27. Карты неңәл дявәтл, юх неңәл вулытәл.

28. Лүна йил – ләмәтлял, сүса йил – еңхәсыйл.

29. Шәтлум, шәтлум – кәт хәйңән ма ещәлтема няхләңән.

30. Ма моньщуптем, полхәр мухәлая кәт икилә ещәлт шәт-ләңән, вәтца юхәттән артән ита йилдән.

**Тыдәщ келши моньщуптәт**

1. И тыдәщ келши муй вой?
2. Кәт тыдәщ келши муй вой?
3. Хәлум тыдәщ келши муй вой?
4. Няд тыдәщ келши муй вой?



5. Вет тыдәщ келши муй вой?
6. Хәт тыдәщ келши муй вой?
7. Лапәт тыдәщ келши муй вой?
8. Нивл тыдәщ келши муй вой?
9. Яртыяң тыдәщ келши муй вой?

**Щи тумпи әмәщ амамәтщет 2010-кем оләтн мұңева пил округ Дор вош район Асов кәрт эвәлт Елена Алексеевна Шульгина китәс. Тәм амамәтщет лүв әңкел Евдокия Степановна Шульгина (Тарасова) эвәлт хәләнтәс па нух ханшәс. Тәм тарум ханты ими 1915-мит одн сема питәс, 1996-мит одн хұв пәнта мәнәс.**

Амамәтщет:

1. Амамәтщәлдум! Икен, икен домәшийл... Йиппи-йиппи – ләп. Юх тыйн омәсл.
2. Амамәтщәлдум! Нир оләң күвәщ, вот вотум нохәр, овәң пол хәнщары.
3. Амамәтщәлдум! Тәрум пух карсдал, молщәң хә якл.
4. Амамәтщәлдум! Юх тый щәли-воли.
5. Амамәтщәлдум! Катра не әмәләл, йилуп не әнт әмәләл.
6. Амамәтщәлдум! Юх тый хұв пос.
7. Амамәтщәлдум! Юх тый сопек!
8. Амамәтщәлдум! Дор күтупн – доньшәң турн.
9. Амамәтщәлдум! Пан пәлат хә тәрум ворл.
10. Амамәтщәлдум! Йиңк сот сем.
11. Амамәтщәлдум! Йиңк илпи кумры-кумры.
12. Амамәтщәлдум! Нум мұв эвәлт тувум ут дыйл уш әнтәм, ухл уш әнтәм.
13. Амамәтщәлдум! Ас питәр хұват оңәт пеләк хор навәрл.

**Тәм лопәс ләшәтәс Ирина САМСОНОВА**

# Сүмәтвошн аңки ёмәңхәтл постасы



«Ма мўвем» тәхи неңән яксәңән



Л.В. Кашлатова

В. Узель Верум хурат

Россия мўвевн Ас потты тылащ етшәтйин аңки хәтл посталы. Ши ёмәңхәтл 1998-мит олн тывас, вантә, аңки – щит вөлупсэвн мет вулаң хәннехә. Щит верлы, дәлн неңәт яма дәвалты, дыв пиләла яма путәртты, па хотгел ёхладн дыв вулаңа ат тайлдыт.

Сүмәтвошн шуши мир культура хота Ас потты тылащ 23-митн ши ёмәңхәтл постаты щира аңкет, пирәщ неңәт па нявремәт юх-тыйдсәт. Неңәт тәта хәнты па вухаль мир ләмәтсуха ләмәтлюман вәсәт, күтәлн рәт ясаңән путәртсәт.

Шуши мир культура хотн рәпитты не **Калерия Акрамовна Супрун** мирхотн лупас:

– Аңки – ши ясаң хәннехә путәртты ол-нитталн мет олаңән лупл. Аңки хәтл – щит ёмәң хәтл. Шуши мирәт күтн аңки йис пура вўш эвәлт сәмәңа тайлды па вулаңа вәл. Тәмхәтл тәта арсыр нәптуп аңкет әктәшийдсәт, дыв тәса ёнтәсләт, тыйләт, сәк кәрәтләт, арсыр мосты верәтн мўңева нәтләт.

*Интәм дыведа ар ям ясаң лупты вутцийдлүв.*

Щәлта мойң ёха **Зоя Захаровна Сидорова** олаңән кина ванлтасы. Тәм не Сүмәтвошн «Мет апрәң аңкаңки муй ша-щи» кәсупсийн па неңәт күтн кәсәс. Тәм хәтлән лүв мойң ёх пәта хәнты арәт арийс.

Мирхотн арсыра верум намтәт ванлтәсийт, щит Сүмәтвошн вәлты неңәт ёнтсәт. Ши ванлтупсы Сүмәтвошн Ас-угорской институтн рәпитты хәнты не **Любовь Васильевна Кашлатова** пўншәс. Лүв пугәртәс ши намтәт олаңән, хутыса дыв ёнтсыйт, муйсәр па муй пәта щәта хурасәт верәнтсыйт.

Щәлта «Ма мўвем» тәхи неңәт мойң хуятәт пәта не як яксәт. Неңәт күтәлн путәртсәт, ёмәң-



Мирхота әктәшум ёх

хәтл пилә ям ясаңәт лупсәт. Ши юпийн иса хуятәт шай яньшсәт, кашәң не пәнән арсыр епләң летут тәс – ай нянят, хўлаң нянь, вонь-шумутәң нянь па па летут. Тыв юхтум нявремәт аңкета, аңкаңкета па щәчета хурәт мойләсәт, хута дыв аңкилад веншлад хәншсәт.

Ма щиремн, щимәщ вәйтәнтупсәт вулаңа тайты мосл, ши унтасн аңкет-әщет пушхиетн сәмәңа тайлдыт, дыв



күтәлн ләхсәңа, яма вәлләт.

**Валентина УЗЕЛЬ**  
**Хәнты ясаңа тулмащтәс**  
**Надежда РАГИМОВА**

**Ханты ясанг**  
(Хантыйское слово)  
№23 (3539), 05.12.2019

Соучредители  
Дума, Правительство  
Ханты-Мансийского  
автономного округа – Югры  
**Издатель**  
Департамент общественных  
и внешних связей Ханты-  
Мансийского автономного  
округа – Югры

**Редакция**  
Врио директора –  
**Кондина Г.Р.**  
Телефон (3467) 33-22-72

Заместитель главного  
редактора – **Вах Н.И.**  
Телефон (3467) 33-24-02

Ответственный секретарь –  
**Рагимова Н.В.**  
Телефон (3467) 33-24-02

**Адрес редакции и издателя:**  
628011, г.Ханты-Мансийск,  
ул.Комсомольская, 31  
тел./факс (3467) 33-17-52

**E-mail: gazeta@khanty-yasang.ru**  
Газета размещена на сайте  
**www.khanty-yasang.ru**

**Отпечатано:**  
ООО «Новости Югры-  
Производство» г. Сургут,  
ул.Маяковского, 14.

Индексы **04393, 54393**  
Тираж **2166** экз.  
Заказ **5105**  
Цена свободная

Газета  
зарегистрирована  
Управлением Федеральной  
службы по надзору в сфере  
связи, информационных  
технологий и массовых  
коммуникаций по

Тюменской области,  
ХМАО-Югре и ЯНАО.

Свидетельство о регистрации  
ПИ №ТУ 72-00796  
от 23 января 2013 г.

Мнение авторов  
публикации не  
обязательно отражает  
точку зрения  
редакции.